

GRAD

PL

6058.9

.A17

1910

BUHR

Ros. Almario

# ANG MANANAYAW



Aklatang Bayan

F Aklat



Limbagan at Litograpia

NI

JUAN FAJARDO

Daang Carriedo Bldg. 101, Sta. Cruz.

MAYNILA—1910.



# ANG MANANAYAW



Ros. Almario

---

UNANG PAGKALIMBAG

---


MAYNILA



LIMBAGAN NI JUAN FAJARDO

Daang Carriedo B'g. 101, Sta. Cruz

1910.



GRAD

PL

6058.9

.A17

1910

BURR

---

---

*Aring tunay ng Aklatang Bayan.*

---

---

3500  
4035 8495  
Phi's  
4/25/01

## Aklatang Bayan.

---

Sa gitnâ ng masinsing ulap na sa kasalukuya'y bumábalot sa maynós na langit ng Lahing Tagalog, ang «Aklatang Bayan» ay lumabás.

¿Layon? Íisáng íisá: makipamuhay, ibig sahihi'y makilaban, pagka't ang pakikipamuhay ay isáng ganáp na pakikitunggalì, isáng lubós at waláng humpáy na pakikibaka

At makikibaka kami laban sa masasamáng hilig, mga ugalì t paniwalà, magíng tungkol sa polítika, magíng sa relihiòn at gayòn sa karaniwang pamumuhay; yamang ang mga bagay na itò'y siyáng mga haliging dapat kásaligan ng alín mang bayan: tat-lóng lakás na siyáng bumúbuò ng káluluwá ng alín mang lahì

At upáng malubós ang pagpapakilala ng adhikáng itò sa aming mangagiging manghabasa, kung sakalì, ngayon pa'y malugód na't magalang na ipinatátalastás namin sa kanilá ang mga aklat na sa kasalukuya'y niyáyari sa loob ng Aklatang itò:

**Ang Mánanabong, Ang Pang-  
ginggera, Bagong Hudas, Ang  
Sakim Bagong Pari at ibát  
ibá pa.**

*Pangnanay na anak ng Aklatang ito  
«Ang Mánanayaw», na ngayó'y bagong  
kaluluwál pa lamang sa larangan ng  
Panunulat. Kulang sa katás marahil,  
marahil ay gayón din sa lusóg ng  
pangangatawán, bigláu na bunga pa-  
libhasà ng isáng panitik na salát sa  
ilaw ng talino at dahóp sa yaman  
ng pananalitâ.*

*Magsisitulong sa aklatang ito ang  
mga katoto ko't kaadhikang Faustino  
Aguilar, namámatnugot sa TALIBA, Car-  
los Ronquillo, punong-mánunulat sa ná-  
turan ding páhayagán at mga ibá pang  
gurò ng panitik, na sa pamamagitan  
ng limbagan at papel ay magsásabog,  
hanggang sa lalóng lihim na pook ng  
Katagalugán, ng makákaya niláng  
pangliwanag na ilaw sa mga kalahing  
nangángailangan nitó.*

**Ros. Almario,**

**Taga-pamahala ng Aklatang Bayan.**

**Maynilà, 30 V-1910.**

# Ang Mánanayaw.



Jóvenes que estais  
bailando, al infierno  
vais saltando.

## SIMULA

*Pati:* Mánanayaw. Alanganing tindíg; ni mababà ni mataas; katawáng malusóg, makatás, sariwà; mǝa matáng malalakít bugháw, dalawáng bintanàng pinanúnungawan ng isáng káluluwáng nag-iinit, nag-aalab sa ningas ng apóy ng isáng damdaming batis na dinádaluyan ng aliw, aliw ng sandali na nakalúlunod, nakafinis at nakamamatáy sa bawà't káluluwáng maligò sa kanya.

*Sawi:* Túbong lalawigan, binatang



nag-aaral sa Maynila. Buhat sa mabuting lipi, angkán ng mga mayaman, si Sawi ay isang binatang lumaki sa lilim ng pananagana: kims, mahihiyain, ugaling babae, si Sawi ay hindi kaparis ng mga binatang walang ibang minimithimithi kundi ang matulad sa isang paroparó, sa isang bubuyog, na tuwina'y hanap ang mga bulaklak, upang simsimin ang kanilang bangó.

*Tamád:* Isang hampás-lupa, isang hampás-bató, na gaya ng tawag sa kanyá ng madlá. Ulila sa amát ulila sa iná. Walang asawa, ni anak, ni kapatid, ni kamaganakan kungdi... si «Ligaya»; ligayang pará sa kanyá'y hindi natatagpô sa alin mang dako, sa alin mang poók, maliban sa mga bilyar, sabungán, pangginggihan, bahay-sáyawan at mga bunganga ng impierno na sa balana'y lagíng na-kaumang.

—Tamád, kumusta ang ibon?

—Mabuti, Pati, maamò na ngayón.

—Handang pumasok sa kulungan?

—Oh, walang pagsalang hindi siya papasok!

—Ano ang sabisabi niya sa iyong tungkol sa akin?

Paris din ng mga unang salita na naiukol ko sa iyo nang tayo'y unang magkátagpô sa isang handaan: na, ikaw ay magandang katulad ni *Venus*, paris ng Talà sa umaga. Umiibig na sa iyo! Maasahang siya'y bihag mo na...

Binuksan ni Pati ang kanyang dalawang labi na nagpupulahan upang paraanin ang isang matunog na halakhak.

—*Con qué*, umiibig na sa akin, há?

—At paghahanapin ka mamaya.

—Saan? saan mo ako itinuro?

—Sa bahay-sáyawan.

—Sa makatwid pala ay nalalaman nang ako'y mananayaw? at ano ang sabi sa iyo? hindi ba niya nababasa ang mga pahayagang, hindi miminsan at mamakalawang nagsasabog diyán ng mga balitang diumanoy hindi mga babae ang mga manana-

yaw sa «suscripción» kundi isáng tungkós na mga talimusák?

—*Medio... medio* sinabi niya sa akin ang ganyán; nguni't tinugón ko siyáng ang gayóng balitá'y mangyáyaring magkátotoó, kung minsan... at mangyayari rin namáng hindi, «Si Pati»—ang wiká ko sa kanya, —«iyong dalagang ipinakilala ko sa iyo sa handáang dinaluhán natin ay isáng matibay na saksi ng katotohanang ang isáng magandáng perlas ay mangyáyaring mapaliblib sa gitná ng burak...»

At tumigil sandali ang nagsásalita upáng lumagók ng laway at magpatuloy, pagkatapos, sa mga ganitóng pangungusap:

—At si Sawi (ang ibong pinag-úusapan nilá) —ay naniwalá namáng ikáw ay isáng «magandáng perlas», isáng dalagang mahinhín, may puri, marangal...

—¿At hindi na itinanóng kung bakit akó nápapasok sa bahay-sayawan?

—Itinanóng ¿bakit hindi? nguni't

ang dilà ni Tamád, ang dilà ng bugaw mong si Tamád, ay nang mga sandaling yao'y lumikhá ng mga pangarap na sa kanyáng bibíg ay larawang mistulà ng katotohanan, katotohanang nákita, sinaksihán ng kanyáng tingín. At sinabi ko sa kanyáng halos maagnás ang luhà ko: ¡Oh, Sawí, kung nalalaman mo ang buóng kasaysayan ni Pati, ng magandang Pati, na hinahangaan mo ngayón, ay dí sasalang siyá'y málalarawan sa mga balintatáw ng mga matá mo na katulad ng isang banál na babae, ng isáng ulirán ng kadalagahan. Pagka't siya, ang habol ko pa, ay isáng ulilàng dumanas ng dí gágaanong kasawian sa buhay, naging magpapalimos, naging manghihingi, at nang ayaw nang lawitán ng awà ng mga tinátawagan ay napilitang pumasok na alilà, ipinagbili ang dakás sa isáng mayaman... dapuwa't...

—Anó pa?

—Ang mayaman, ang dugtong ko, sa haráp ng waláng kaagáw na dilág

